

SAMOA

Faatulagaina o Aiaiga

1. Igoa puupuu ma le amataga
2. Faamatalaina o uiga o upu
3. Teuteuga i le fuaiupu 107
4. Faaofiina o le fuaiupu 116A

1999, Nu. 16

O SE TULAFONO e teuteuina ai le Tulafono o Vaalele Sivili 1998. *[25 Aokuso 1999]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Vaalele Sivili 1999 ma e tatau ona faitauina faatasi ma avea ai o se vaega o le Tulafono o Vaalele Sivili 1998 (o le “Tulafono autu”).

(2) O lenei Tulafono o le a amata faamamaluina i le aso o le a tuuina i ai le maliega a le Ao o le Malo.

2. Faamatalaina o uiga o upu – Fuaiupu 2 o le Tulafono autu ua teuteuina i le soloia o le faamatalaga “pailate taitai” ma suia e faapea -

““pailate taitai” e faasino i so o se vaalele, o lona uiga o le pailate o ia lea –

- (a) O lo o i ai lana pule mautu ma le matafaioi mo le faagaoioia ma le saogalemu o le vaalele;
- (b) Ua uma ona tofia e avea o se pailate taitai a o le i po o a o faagasolo le faigamalaga; ma
- (c) O lo o ia umia le tulaga talafeagai, vasega ma le ituaiga faatulagaga, pe a fai e talafeagai ai mo le taitaia ma le saogalemu o se faigamalaga.”

3. Teuteuga i le fuaiupu 107 – Fuaiupu 107 o le Tulafono autu ua teuteuina i le faaofiina i ai o le parakalafa (g) e faapea -

“(g) E lamatia ai le saogalemu o se vaalele, pe o faimalaga po o i luga o le fogaeleele, e ala i le aiaina o:

- (i) so o se vaega o le vaalele; po o
- (ii) so o se meataitasi o totoga o le vaalele; po o
- (iii) so o se mataupu po o ni mea e faasino i le mafai ona faagaoioia le vaalele”.

4. Faaofiina o le fuaiupu 116A – O le Tulafono autu ua teuteuina i le -

- (a) Faaofiina o le fuaiupu 116A e faapea:

“116A. Isi solitulafono – So o se tagata o ia lea ua na faia se gaoioiga i se faiga, po o le faia o so o se mea, e faapea -

- (a) E feteenai ai ma le fuaiupu 116(1)(b); po o
- (b) E manaomia ai po o ina ia faia e le taitai o se vaalele ni tulaga e pei ona faasinomia i ai le fuaiupu 116(c), (d) po o (e) -

ua nofosala i se solitulafono, ma i luga o le faamaonia o le solitulafono o le a noatia i se faasalaga e le sili atu i le 20 iunite tau faasalaga, po o i le nofosala i le falepuipui mo se vaitaimi e le sili atu i le lima tausaga, po o i ia faasalaga uma e lua.” ma

- (b) I le soloia o upu “(pe o se solitulafono po o le leai foi)” mai le fuaiupu 116(1)(b).
-